



**Ethica Amoris, Sive Theologia Sanctorum, Magni  
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Generalibus Principiis Amoris Et Morum - Prolegomena septem,  
Librosque undecim complectens

**Henricus, de Sancto Ignatio  
Leodii, 1709**

Caput X. Violentia causat involuntarium simpliciter & absolutè.

---

[urn:nbn:de:hbz:466:1-73187](#)

ergo permittit illud appeti ob bonum honestum, vel ut utile ad illud.

105 <sup>5°</sup>. Denique ut actus sit in specie determinata virtutis, debet specialiter exerceri propter honestatem propriam talis virtutis, tamquam finem, saltem intermedium. Ergo in genere dicendum, ad hoc ut actus sit in genere virtutis, necessarium esse, ut exerceatur propter bonitatem seu honestatem virtutis. Probatur antecedens: quia actus tendens in objectum, in quo variae sunt rationes honestatis, spectantes ad varias specie virtutes, solum contrahit speciem honestatem illius virtutis, quā voluntas moveretur ad exercendum talem actum; non verò speciem honestatem aliarum virtutum, quā voluntas hīc & nunc non movetur. Si quis enim ex solo motivo justitiae faciat actum, qui materialiter est justitia & misericordia, dando v. g. proximo indigentem rem ipsi ex justitia debitam, quā talem præcise, non quā sublevatiam indigentia ipsius, solum exercet actum justitiae, non misericordia.

106 Et confirmatur: solum ille facit actum charitatis, qui facit illum propter motivum charitatis, id est, propter Deum, ut omnes fatentur; patetque ex eo quod solum ille faciat actum charitatis, qui agit ex charitate, quae est virtus quā Deus diligitur propter se, & proximus propter Deum. Idem ergo proportionaliter de aliis virtutibus dicendum. Quia solum etiam ille facit actum obedientia, temperantia, justitia, &c. qui agit ex obedientia, temperantia, justitia, &c.

107 Nec obstar Angelicus Doctor 2. 2. q. 123. a. 2. ad 2. dicens, quod martyrium propter Deum per se ipsum, est actus charitatis ut imperantis, fortitudinis autem ut eliciens. Quando enim martyrium à fortitudine elicetur, à charitate verò imperatur, imperatur quidem ex motivo charitatis, sicut primo & principali motivo (quia ex eo elicetur tanquam fine ultimo); sed elicetur ex motivo fortitudinis, tanquam motivo proprio, & tanquam fine intermedio, id est, subordinato fini charitatis.

108 Secundò, non obstat quod ut actus sumat malitiam ab objecto, non oporteat malitiam illam intendi in se & propter se. Responderet enim S. Thomas 1. 2. q. 19. a. 7. ad 3. plus requiri ad bonum quam ad malum: siquidem bonum non est nisi ex integra causa, malum autem ex singulis defectibus. Et si ad contrahendam malitiam necesse foret illam in se & propter se intendi, nullus foret actus malus. Quia nemo intendens ad malum operatur, nec voluntas intendere potest malum sub ratione mali. Hoc ergo necesse non est; sed ad contrahendam malitiam, v. g. furti, adulterii, &c. sufficit velle liberè actum, cui malitia furti, adulterii, &c. annexa cognoscitur. Ubi verò actus volitus annexam habet multiplicem specie malitiam, eo ipso quis multiplicem specie malitiam contrahit, quo liberè vult actum, cui multiplicem illam malitiam annexam esse cognoscit.

## CAPUT IX.

*Definitio involuntarii, duplexque ipsius accepio.*

109 **I**nvoluntarium, propriè ac positivè sumptum, illud est, quod est contra inclinationem voluntatis: tametsi involuntarium subinde minus propriè accipiatur, cumque non voluntario confundatur. Quemadmodum verò voluntarium, aliud est plenè & simpliciter tale, quod scilicet voluntas absolutè & efficaciter vult; aliud semiplenè & secundum quid tale, quod voluntas solum vult inefficaciter. Sic involuntarium aliud est plenè & simpliciter tale, illud utique cui voluntas plenè, absolute & efficaciter resistit; aliud semiplenè, & secundum quid tale, nimis illud, cui voluntas plenè, efficaciter & absolute non resistit, sed aliquo modo & secundum quid dumtaxat.

## CAPUT X.

*Violentia causat involuntarium simpliciter & absolute.*

110 **V**iolentia (inquam) causat involuntarium, non qualecumque, sed plenè & simpliciter tale. Quia violentia opponitur voluntario. S. Thomas 1. 2. q. 6. a. 3. causatque motum ad quem voluntas nihil omnino conferit, sed absolute & efficaciter ei resistit. Illam proinde voluntas pati nequit in actibus suis elicitis, sed solum in imperatis, ut idem S. Doctor ait a. 3. *Duplex est actus voluntatis; unus ab ipsa elicitus, alius à voluntate imperatus. Quantum ad hos, voluntas violentiam pati potest.... sed quantum ad ipsum proprium actum voluntatis, non potest ei violentia inferri.* Quia fieri non potest, ut, dum volumus, non velimus. Augustinus lib. 3. de lib. arb. c. 3. *Ligari potest invitus, quia nolens: velle autem non potest invitus; quia non potest velle, nolens velle.* Concinuit Anselmus de lib. arb. c. 5.

Ad majorem hujus evidentiā, adverte, tria hæc nomina, *involuntarium, coactum, violentum*, subinde quidem pro eodem accipi, propriè tamen distinguuntur, tanquam magis & minus commune. Violentum quippe latius patet quam involuntarium & coactum: cùm hæc duo solum convenienter creaturis cognoscitivis & appetitivis; violentum verò etiam inanimatis, v. g. lapidi, cui vis, non coactio inferatur, dum sursum projectur. Nec proindevis seu violentia esse debet contra elicitem inclinationem passi, sed sufficit quod sit contra inclinationem, seu appetitum innatum. *Violentum itaque est, quod procedit ab extrinseco, non solum nihil conferente, sed etiam efficaciter reluctante passo, sive contra efficacem appetitum ipsius, sive innatum, sive elicitem. Coactum verò est, quod procedit ab extrinseco contra elicitem inclinationem ipsius, sive inclinatio ista rationalis sit, sive non.* Invo-

- Intrarium* denique, quod procedit ab extrinseco, contra rationalem inclinationem passi.
- 112 Ad violentum porrò, & coactum propriè dictum, Doctores pañim aiunt, non sufficere, quod sit contra voluntatem inefficacem: alias matrimonium, ex gravi metu initum, utpote contra voluntatem inefficacem, foret violentum. Cum tamen nec propriè ac strictè violentum sit, nec coactum; sed latè & secundum quid. Quomodo Augustinus subinde dicit, coactè fieri quod sit ex solo timore.
- 113 Sunt quidem qui ad violentum, propriè & strictè dictum, non requirunt, quod sit contra efficacissimam voluntatem, quā media omnia hīc & nunc possibilia adhibeantur, ad evitandum effectum violentum; sed suffici quod sit contra voluntatem efficacem, quā adhibeantur media hīc & nunc moraliter possibilia, id est, qua absque gravi periculo adhiberi possunt. Unde secundum ipsos, Virgo centetur violenter oppressa, licet ex gravi metu mortis sibi comminatae, non adhibuerit media omnia absolute possibilia ad stuprum impediendum, quia scilicet non clamavit, a clamando prohibita per comminatam sibi aliqui mortem, quia non tenebat cum periculo mortis clamare: dummodo nec interius ullo modo consentiar, sed plenè dissentiar; nec exterius appetit corpus ad voluntatem stupratoris (quod ne quidem metu mortis potest) sed & manibus & pedibus & reliquo corpore resistat, quantum potest. Verum hoc refutabimus to. seq. ad sextum Decalogi preceptum.

## C A P U T X I.

*Metus non causat involuntarium simpliciter, sed secundum quid. Nec tamen hoc universum est verum.*

- 114 **M**etus est instantis vel futuri periculi causa. Menitis irrepitatio l. 1. ff. de eo quod metus causa sit. Duplex est, gravis & levis. Gravis est metus, quo certò vel probabiliter timetur grave malum, v. g. mors, atrox cruciatus, mutilatio, dehonratio per stuprum, servitus, exilium, carceris diuturnitas, gravis infamia, totalis vel notabilis amissio bonorum temporaliū, vel quocumque aliud malum, quo vel absolute, vel respectivè ad personam talis aetatis, vel sexus, iudicio prudentum, reputatur formidabile & magnum, sive interim ejusmodi malum timeatur sibi, sive parentibus, uxori, filiis, fratribus, vel aliis, tam aucto amicitia vinculo conjunctis, ut malum ipsum repuetur proprium. Qui quidem metus appellari solet *iustus, probabilis, & cadens in constantem virum*. Levis (qui & vocari solet *injustus, improbabilis, & cadens in virum inconstantem*) est, quo timetur leve malum, vel grave quidem, sed facile impeditibile, vel ex levi, non ex probabili fundamento.

Uterque metus dupliciter se habere potest ad actionem vel passionem, concomitanter

scilicet & causaliter. Concomitante se habet, quando non est causa movens, seu excitans voluntatem ad actionem vel passionem, sed eam mere concomitantur; & tunc actio vel passio non dicitur accidere *ex metu*, sed *cum metu*. Causaliter vero se habet, quando est causa movens & excitans voluntatem, &c. & tunc actio vel passio cicitur accidere *ex metu*, seu *per metum, & propter metum*. Et quidem dum actiones, qua ex metu sunt, nullam aliam bonitatem habent, nisi mediū utilis ad fugendum malum quod timerit, metus est earum causa unica & totalis, ut in casu projectionis mercium in mare ad vitandum naufragium. Dum vero actiones aliam habent bonitatem, & amabilitatem, quam medii ad vitandum malum quod timerit, metus non semper est earum causa unica & totalis, sed tunc solùm, cum voluntas hīc & nunc non moverit ab illa alia bonitate, sed ex sola mali istius apprehensione. Quo proinde casu illa alia bona, amabilitateque, ad præsentem voluntatem perinde se habet, ac si non esset: cum à præsenti voluntate non magis attendatur, nec magis ipsam excitet aut moveat, quam si non esset; sed ad eam mere per accidens, materialiter & concomitanter se habeat.

Metus itaque non eo modo causat involuntarium, quo violentia; cum non causet involuntarium simpliciter & absolute, sed voluntarium. Quod enim ex metu fit, est simpliciter voluntarium: cum voluntas ex prævia deliberatione, spectatis omnibus, efficaciter velit & faciat, id quod ex metu facit, sive id faciat ex metu tamquam causā unicā & totali, sive non tamquam causā totali, sed partiali. Quamvis enim id quod facit ex metu, tamquam causā unicā & totali, secundum se consideratum, non sit voluntarium, absolute tamen hīc & nunc eligitur & efficitur à voluntate tamquam impeditivum mali, quod timerit. Et ideo si quis bene consideret, videbit quod ea quæ per metum aguntur, magis sunt voluntaria quam involuntaria (ait S. Thomas 1. 2. q. 6. a. 6.) Sunt enim voluntaria simpliciter, involuntaria autem secundum quid: *Unumquodque enim simpliciter esse dicitur, secundum quod est in actu; secundum quod autem est in sola apprehensione, non est simpliciter, sed secundum quid.* Cum autem actus in singularibus sint; singulare autem, in quantum hīusmodi, sit hīc & nunc... id quod fit, est in actu, secundum quod est hīc & nunc, & sub aliis conditionibus individualibus. Atque quod sit ex metu, est voluntarium, in quantum est hīc & nunc. Unde manifestum est, quod simpliciter voluntarium est.

Et confirmatur ratione exemploque D. Bernardi lib. de grat. & lib. arb. c. 12, quia velle plenè convincimur, quod non fieret, si nollemus. Cogebatur Christianus negare Christum, & negavit quidem dolens, non tamen nisi volens. Volebat nimis gladium vitare ferientis; atque illa talis voluntas, iniùs praesidens, os aperiebat; non gladius, qui foris apparebat.